



27.09.2024

UKA2024/22

**Siunnersuut uunga: Kalaallit Nunaannut suliffissarsiortut killilersimaarnissaat pillugu Inatsisartut inatsisaata allanngortinnissaa pillugu Inatsisartut inatsisaat (Inuit immikkut ittumik Kalaallit Nunaannut attuumassuteqartut isigineqarsinnaanissaannut tunngatillugu piumasqaatinik allanngueq)**

Isumaginninnermut, Ilaqutariinnut, Suliffeqarnermut Nunamullu Namminermt Naalackersuisoq

Siumuminngaaniit inatsisip pineqartup allanngortinneqarnissaanik pillugu imaattumik oqaaseqassaagut.

Siumup anguniartuarpaa sulisussarsiortarnermi Kalaallit Nunatsinni nunaqavissut suliffissarsiortut salliutinneqartuarnissaat, pissusissamisuunngimmammi nunatsinni suliffissaaleqisoqaraluatoq avataaniit sulissusanik tikerartitsiuarneq, taamaattumik sulisussarsiortarnermi kommunini suliffissarsiortarluni qinnuteqaatinik sullissisarnerup pitsaanerusunngortinnissaa Siumup sulissutigeqqinniarpaa. Avataaniit sulissusanik tikerartitsiualerneq ingalassimatinniarlugu akuutitsinerulernissamik inatsisip nunatsinniit oqartussaaffigineqarnerunissaa siunertaralugu Qallunaat oqartussaasui oqaloqatigineqassapput. Nakkutiginninneq akuulersitsinerunissarlu nunaqavissunut akornusiinngitsoq Siumup anguniarpaa.

Siumuminngaaniit inatsisip allanngortinnissaanut allannguutissat nuannaarutigalugit taperserlugit oqaatigissuarput. Sulineq imminut akilersinnaassaaq naalagaaffinngornissatsinnullu sulisinnaasut tamarmik assaallu tamaasa atorfissaqartippagut.

Siumuminngaaniit nunani allaminngaaniit suliartortartut nunatsinnut amerliartupiloornerat ilisimaarivarput. Nunatsinninngaaniit suliffeqarfiiit sulisussanik amigaateqarnerup kingunerisaanik pissarsiortarneq kommunip akisussaaffigineqartartoq siumumiit ilisimaarivarput.

Sulisussanik allamiunik tikisitsisarnerup kingunerisaanik malunnavissumik suliffeqarfinni amerlangaatsialersimasut takussaagaluttuinnarput. Tamannalu pakkersimaarneqarnissaanik iliuuseqarnissaq siumumiit Naalackersuisut inatsisunik allannguisoqarnissaanik piffissanngortoq oqatigerusupparput. Naalackersuisummi siulittaasuata ukiakkut ataatsimiinnermi ammaanermini oqalugiaataani erserpoq nunatsinni innuttaasut sulisinnasut amerlanerpaartaat atorfissaqartikkipput.

Allamiunillu sulisoqartanitta suliffeqarfinni amerlitsikkaluttuinnarnerat naliginnaasunngoraluttuinnarnera illuatulingissagutsigu immitsinnut piumasqaarfiginissarput sulisinnaanissatsinnik tamakkerluta immitsinnut kaammattuteqartariaqartugut siumumiit isumaqarpugut. Taamaasillutami aatsaat maani nunaqavissut salliutinneqartarnissaanik angussaarsinnaassagatta. Taamaamat aamma innuttaasunut kaammattueqatigiittarnissarput suliffissarsiuussisarfinnut attaveqartaqqullugit akisussaaffigalugu oqariartortuarnissarput inissamiinissasoq siumut isumaqarpoq. Uani aamma siumumiit eqqaarusupparput suliffeqarfinni allamiunik sulisoqartarneq ajortuinnaasannigmat aamma iluaqutitaqartoq oqaatigerusupparput.

Assersuuteqarlanga uanga nammineq misigisannik ima suliffissarsiorneq ajornanngitsigilersimavoq; qallunaaq aatsaat arfininngornermi nunatsinnut siullerpaamik tikittoq ataasinngornermi vikarissatut



atorfinereertoq misillerfiginikuuara. Tassa ullutsinni taamatut ajornanngitsigisumik atorfinittoqarsinnaasunngorsimappat apeqquterujussuannngorsimassavoq ilumut taamaattoqarsinnaagami? Nunatsinni suliffissarsiortut qinnuteqartussaapput, qinnuteqartorlu suliffeqarfinni nalilersorneqartussaavoq. Meeqqerivinni inulerinernilu qinnuteqartoq straffeattestia takutinneqaqqaartussaavoq. Uppernarsaallu pigineqanngippat piniarneqartussaassavoq, piniarneralu qallunaat nunaannut ingerlasarmat ilaanneeriarluni ullut arlaqangaatsiartut utaqqisarneq pisinnaasartoq siumumiit ilisimaarivarput. Taamaammat ullormiit ullormut suliffissaq ajornartussaavoq takornartatut tikeraartutu nunatsinniikkaanni.

Massakkut inatsimmik Naalackersuisut allannguissallutik innuttaasunut maani nunaqartunut salliutitsiniartumik illersuisumik allannguiniarnerat tamakkiisumik siumumiit taperserlugu aappassaaneertinnagu ataatsimiititaliamut susassaqartumut ingerlateqqipparput.

Mala Høy Kúko

Siumut